

No.J.12019/2/2020-DC (KZL)
OFFICE OF THE DEPUTY COMMISSIONER
KHAWZAWL DISTRICT : KHAWZAWL

PRESS NOTE

Dated Khawzawl, the 6th April, 2020


Subj: EF&CC Deptt., Khawzawl Range thawktuten COVID-19 dona kawnga hmalakna atan Rs. 20,000/- an hlan

EF&CC Deptt., Khawzawl Range a thawktute chuan Khawzawl District Mipuite he hripui COVID-19 laka kan him theih nana hmalatu Khawzawl District Level Task Force(DLTF) on Covid-19 kutah Rs. 20,000/- an hlan.

Hetianga khawvel pumin Hripui COVID-19 avanga harsatna namenlo kan tawh dan hrethiam a, Khawzawl District Mipuite he hripui laka kan him theih nana hmalatute leh inkharkhip(lockdown) avanga harsatna tawkte tana inphal taka thilpek petu EF&CC Deptt., Khawzawl Range a thawktute chungah District Level Task Force chuan lawmthu a sawi tak meuh meuh a ni. Vawiin ni 6th April, 2020 thleng hian DLTF hnena tanpuina lut tawh zat hi Rs. 3,40,000/- a ni a, tangkai taka hman chhoh zel a ni.

Lockdown neih mekah thlaithar lakkhawmte hralh zawh mai loh pawha a chhiat loh nan Horticulture Department in an siam **Cold Storage** chu commission la ni chiah lo mahse hman theih tura buatsaih a nih theih nan DC, official pawimawh leh Khawtlang hruaituten vawiin hian an enfiah a. Hman theih mai tura buatsaih tum a ni a, a tul ang lo buaipui turin DC, EE P&E leh ADHO te ruat an ni. He Cold Storage hi hman theih tura peih fel anih chuan Khawzawl khawpuia inkharkhip mekte tana hmun hrang hrang atanga thlai lak luh zinga hralh bang awm, chhe mai thei te, chu vawn that a ni anga; mamawhtute, thlai thartute leh zuartuten an tangkai pui hle dawn a ni. Thlai thar chhe mai thei dahkhawl tur nei chuan Pu Lalengzuala Asst. Divisional Horticulture Officer, Nodal Officer for Cold Storage (Contact No.9862300390) biak pawh tur a ni.

Mitinte Sawrkar thuneitute thu zawm a, COVID-19 laka kan him theih nana mahni in theuh a inkhunga, fai taka kutsil uar a, loh theih loh a kan chhuak a nih pawhin Mask vuah ngei tur leh midangte nena feet 6 tala inkar hlat a awm thin turin kan inngen nawn leh mawlh mawlh a ni.


(H. LIANZELA) 6/04/2020
Deputy Commissioner
Khawzawl District : Khawzawl
&
Chairman
District Level Task Force on Covid-19